

TE HHHHURAA API

I neia i te piha neneiraa na te Ekalesia a Iesu Mesia i te Feia
Mo'a i te Mau Mahana Hopea Nei i Papeete, Tahiti,
i te mau fenua Sotaiete, i te mau avae atoa.
Te hoo e piti farane i te matahiti hoê.

Nu. 1.

Tenuare 1927.

Mat. 21.

*Te na ô maira Iehova sabaota ra; E haamana'o maite
na i to outou na mau hacrea. (Hagai 1:5)*

Ia Ora Na i te Matahiti Apî

I TE mau taata atoa i te pae ao moana nei, e te mau taata
atoa o te taió i teie nei vea, Ia ora na outou atoa i te
Matahiti Apî.

E mea poto roa to tatou ora i nia i te ao nei, e ua faito-
hia te ora o te taata e te hoé faito tei parauhia, matahiti.
I teie nei râ ua tae faahou tatou i te hopea no te hoé mata-
hiti, e nehenehe noa ia tatou ia feruri i nia i te mau ohipa i
ravehia. Te vai ra paha te tahi paruparuraa e aore râ te
tahi hape i roto i ta tatou ohipa i mairi aénei; e no reira e
hiopoa ai tatou i te reira mau ohipa au ore, ia faariro tatou
i te reira ei haapiiraa maitai na tatou. A hió tatou i te
aroha rahi roa o te Atua i nia iho ia tatou. A faaite atu
tatou i te Atua i ta tatou itoitoraa, e ta tatou mau ohipa
maitai atoa. E ihe ihoa Oia i ta tatou mau huru atoa. Ua
parau maira Davida e, "Ia paiuma van i nia i te mau raí ra
tei reira oe! Ia hohora van i tau roi i hade, inaha, tei reira
atoa oe! Ia rave au i te pererau o te poi-poi, a parahi ai i te
hopea mai o te miti ra; na to rima e aratai ia'u i reira, e
na to rima atan e mau mai ia'u. (Salamo 139:8-10)

Te vai nei te mau ture na te Atua, te vai atoa nei te mau ture na te Hau. Ia haapao tatou i te reira mau ture e ia faatia tatou i te parau tiá i nia i te fenua nei mai te au i to tatou ite, e riro ia teie matahiti apî ei matahiti faufaa e ei matahiti maitai na tatou atoa.

— TE HEHEURAA API

Te Mahana Faaineineraa

(E tuatiraa teie nei parau.)

Taió tatou i te parau i roto i II Nephi 29:3-11; 31:5-8 E no te mea e hi'ohi'o atu ta'u mau parau, e parau ai te mau Etena e rave rahi e, E Bibilia! E Bibilia! E Bibilia! ta matou, e aore atu â Bibilia.

Te na ô maira te Fatu ra te Atua; E te maamaa, e Bibilia ta ratou. e no ô mai hoi te reira i te ati Iuda, i to'u ra feia faufaa tahito. E maururu anei ratou i te ati Iuda no te Bibilia i roaa ia ratou no ratou ra? Oia ia, eaha te manaó o te Etene ra? Ua haamanaó anei ratou i te mau haerea, e te ohipa, e te mauui o te ati Iuda, e to ratou itoitono'u ra, i te faatupuraa i te ora no te Etene ra?

E te mau Etene e, ua haamanaó anei outou i to'u ra feia faufaa tahito ra, i te Iuda? Aore roa ia, ua faahapa râ, e ua inoino outou ia ratou ra, e aita hoi outou i imi ia faaora ia ratou. Inaha râ, e faafariu atu vau i taua mau mea atoa ra i nia iho i to outou upoo; no te mea aore to'u ra mau taata e moe ia'u nei, i te Fatu.

E tera ra maamaa e, o te parau e, E Bibilia, E Bibilia hoi ta matou, e aore atu â Bibilia ta matou e hinaaro. E Bibilia anei ta outou, maori râ o tei no ô mai i te ati Iuda ra?

Aita outou i ite e, e rave rahi te mau nunaa, e ere i te hoé anaé? Aita outou i ite e, i hamani au, o te Fatu to outou

Atua, i te taata atoa, e ua haamanaó hoi au i tei nia i te mau fenua moana ra; e te faatere nei au i roto i te mau raí i nia ra, e i roto hoi i te ao i raro nei, e te faatupu noa nei â i ta'u parau i te tamariki a te taata nei; oia ia, i te mau fenua o te ao atoa nei?

Eaha outou amuamu ai, i te mea e roaa â-ia outou ta'u nei parau? Aore anei outoa i ite e, ua riro te faaite a na fenua e piti ei faaite ia outou e, o vau nei o te Atua, e hoé â to'u haamanaóraa i to te mau fenua atoa? E no reira, hoé â ta'u parau i to te tahi fenua e i to te tahi fenua. E ia faariu mai e piti pue fenua te tahi i te tahi, e faariro-atoa-hia mai hoi te ite a to tana pue fenua ra ei hoé.

E na reira vau i te faaite atu ia outou e, hoé â vau, i nanahi, i teie nei mahana, e a muri noa'tu; e te parau atu nei hoi au i ta'u mau parau mai tei au i to'u iho hinaaro. E no te mea ua oti ia'u te parauraa'tu i te hoé parau ra, eiaha outou e manaó e, ore e tia ia'u ia parau i te tahi atu â parau; Aore hoi ta'u ohipa i oti, e ore hoi e oti e tae noa'tu i te hopea o te taata nei, e ore hoi e oti i reira e a muri noa'tu.

E no te mea e Bibilia ta outou, eiaha outou e manaó e, tei roto i te reira ta'u mau parau e hope roa'é; e eiaha atoa outou e manaó e, aore atu â parau i paipaihia i ta'u ra faape.

Te faaue ra hoi au i te taata atoa i te pae i te hitia o te râ, e i te pae i te tooa o te râ e i te pae i te apatoerau, e i te pae i apatoa, e i te mau fenua moana ra hoi, ia papai ratou i te mau parau ta'u e parau atu ia ratou; na roto hoi i te mau buka i papaihia ra, e haava vau i to te ao, te taata atoa e au i ta'na ra ohipa, mai ta tei papaihia ra.

E teie nei, e mea tia i te Areino o te Atua ra, i tei mo'a, ia baptizohia oia i roto i te pape, ia faatia i te mau parau-tia atoa, inaha, e mea tia roa'tu â ia tatou, i te feia mo'a ore, ia baptizohia tatou, oia ia, i roto i te pape ra.

HISTORIAN'S OFFICE LIBRARY

The Church of Jesus Christ of Latter-day Saints

13256

E teie nei, e ui atu vau ia outou, e au mau taeae here e, nafea te Arenio a te Atua i te faatia i te mau parau-tia atoa, i baptizohia'i oia i roto i te pape?

Aita anei outou e ite e, ua moá oia? E ore noa'tu râ te parau-tia na'na ra, te faaite maira oia i te mau tamarii a te taata nei e, te faahaehaa ihora oia ia'na iho i ta te pae tino i mua i te Metua e, e auraro oia ia'na ra i te haapaoraa i ta'na ra mau faaue.

E oti aéra oia i te baptizohia i roto i te pape, ua pou maira te Varna Maitai mai te hohoa o te uupa ra, i nia iho ia'na ra.

Ua parau maira oia ia'u, A hió na, e piti noa iho ekalesia; te hoé ra, o te ekalesia ia a te Arenio a te Atua ra, e te tahi ra, o te ekalesia ia a te diaboló ra; e tena na, o te ôre e farii i te ekalesia a te Arenio a ta Atua, no taua ekalesia rahi ra ia oia, oia te metua vahine o te mau mea faufau ra; o te vahine faaturi hoi oia o te ao atoa nei. (I Nephi 14;10)

Inaha hoi, tei teie nei oraraa te taimé ia faaineine te taata ia farerei i te Atua; oia ia, o te mahana ia, te mahana o teie nei oraraa, ia rave te taata i ta ratou ohipa. E teie nei, mai ta'u i parau na ia outou, ua tae mai ia outou te mau faaite e rave rahi, no reira te aó atu nei au ia outou e, eiaha outou e faaroaroa i te mahana o ta outou tatarahapa e tae roa i te hopea; no te mea i muri i te mahana o teie nei oraraa ra, o tei horoahia mai i te taata faainine no te tau mure ore ra, inaha, ia ore outou ia rave maite i te ohipa a parahi ai outou i te aó nei, e i reira e tae mai ai te poiri, e e ore e tia ia ravehia te ohipa i reira.

E ore e tia ia outou ia parau, a arataihia'i outou i taua hopea riáriá ra, e tatarahapa vau, e fariu vau i to'u Atua. Eita, e ore e tia ia outou ia parau i te reira; no te mea e mana á to taua varna, tei roto i to outou tino i te mahana e pohe ai outou ra, i nia i to outou tino i taua ao mure ore ra.

Inaha hoi, ia faaroaroa outou i te mahana e tatarahapa ai outou ra, e ia tae mai i te pohe, ua riro outou ei tavini o te varua o te diabolō, e e tamau oia ia outou no'na iho; no reira i faarue ai te Varua o te Atua ia outou, e aore atura O'na e vairaa i roto ia outou, e no te diabolō te mana atoa i nia ia outou; e o te huru hopea teie o te rave i te ohipa ino ra.

E tena na, e au mau taeae here, ua ite au e, ia ore te tata e mau papu e tae noa'tu i te hopea, i te onoonoraa atu i te hiōraa o te Tamaiti a te Atua ora, e ore roa ia e ora. E teie nei, a farii na outou i te mau mea ta'u i faaite ia outou ra e, i ite au e, e ravehia ia e to outou ra Fatu, e to outou Faaora: Ia ite outou i te uputa e au ia haerehia e outou na i faaitehia mai ai tana mau mea ia'u ra. Te uputa e tomohia'i e outou ra, o te uputa tatarahapa ia, e te bapetizoraa i te pape, e e muri iho e tae mai ai te faaoreraa i ta outou mau hara i te anahi e te Varua Maitai.

E tena na, te mau mea atoa ta outou e rave, na outou ia e rave i to'u ra i'oa; no reira e parauhia'i te ekalesia i to'u ra i'oa; e e pure atu outou i te Metua i to'u i'oa, ia haamaitai oia i te ekalesia no'u ra;

E na hea ia te ekalesia na'u, ia ore ia parauhia i to'u i'oa? Ia parauhia hoi te ekalesia i te i'oa no Mose, ua riro ei ekalesia na Mose; e ia parauhia ia i te i'oa no te taata ua riro ia ei ekalesia no tana taata ra i reira; ia parauhia râ ia i to'u ra i'oa, e ia putu-mau-hia i nia i ta'u ra evanelia, e ekalesia na'u ia i reira. (III Nephi 27:7,8)

E teie nei, e to'u mau hoa, tera te eá mau, aita'tu e eá, e aore hoi e i'oa horoahia mai i raro aé i te raí, e tiaí i te taata ia faaorahia i te basileia o te Atua ra. E teie nei hoi, o te ravea teie a te Mesia ra, e teie anaé te ravea ora mau a te Metua, e ta te Tamaiti, e ta te Varua Maitai hoi, Amene.

— *Papaíhia e Viliamu Biridi*

Te Faaroo no te Feia Mo'a Mau.

Ua iritihia teie nei parau na roto mai i te buka, Te Faaroo no te Feia Mo'a Mau tei papahia e Tamate; Faaauhia ei reo Tahiti e Ioane Orotona,

Te faaroo nei matou e, e faautuahia te taata'toa no ta ratou iho mau hara, eiuka râ no te hara a Adamu.

Uiraa 1. Eaha te ohipa rahi hopea ta te Atua i rave i to'na ra hamaniraa i teie nei ao?

P. Tera ia, oia hoi, ua hamani oia i te taata i to'na iho hohoá, e ua faaineine ihora oia i te hoé vahi nehenehe ei parahiraa no'na.

Parau Tauturu Ua ô hoi te Atua ra o Iehova i te ô i te pae i te hitia o te ra i Edene ra, e ua tuu ihora oia i te taata ta'na i hamani ra i reira. (Genese 2:8) Aita i maoro i muri aé i to Adamu taeraa mai i roto i teie nei ao, ua hamani te Atua i te hoé tauturu no'na, no te mea, ua ite oia e, e ere ia i te mea maitai, ia parahi ~~noa~~ Adamu anaé ra (Genese 2:18) No reira, ua tuuhia maira te tane e te vahine i roto i teie nei ao. Ua tuuhia maira Adamu raua ta'na vahine i roto i te ô Edene. Ua horoahia ia Adamu te mana i nia i te ia o te taé, te mana o te reva, e te mau mea'toa e nee haere i nia i te fenua. (Genese 1:28) Ua horoa-atoa-hia mai na faaueneraa rahi e piti. Tera ia te faaueraa matamua, oia hoi, ia faai raua i te fenua nei, e ia haavi iho i te mau mea i nia ihora. Te piti râ, eiaha raua e amu no te raau, e ite i te maitai e te iho, e ua na ô maira Oia e, ei mahana e amu ai ~~oe ra~~ e phoe ia oe.

Uiraa 2. Ua vare anei Adamu?

P. Aita Adamu i vare, o Eva râ tei vare.

Parau Tauturu. Ua tae oioi mai te mau faahemaraa te Diabolo. Ua parau maira Satani ia Eva, na roto mai i te valia o te ophi. Ua ui maira oia no nia iho i te faaueraa no te raau i faauehia i raua, eiaha raua e amu. Ua faate atura Eva e, aita e tia ia amu no taua raau ra, o te farerei

raua i te pohe. Ua patoi maira Satani i te parau a te Atua, na ô maira, aita raua e ite i te pohe na roto i te amuraa i te maa no taua raau ra, maori râ, e riro ia raua mai te Atua te huru i te ite i te maitai e te ino. Ua vare Eva, e ua amu i ihora oia. Aita'toa oia i mataú i te ino, e no reira, ua faa-ite atura oia i te mea i ravehia e ana ra, e ua ani atoa ia Adamu ia amu atoa oia.

Ua tae Adamu i te vahi tei ore i tiá ia'na ia haapao i tera na faaueraa e piti i horoahia mai e te Atua ra. I faa-uehia na Adamu raua ta'na vahine ia faa'i te fenna nei i te taata. Aita â Adamu i hiá i roto i te hara, ua topa ra ta'na vahine o Eva. Tei roto Adamu i to'na tino tahuti ore, area o Eva râ, tei roto oia i to'na tino tahuti. E no reira, aita e tiá ia raua ia parahi i te vahi hoé; e ahiri i faataahia, na ore ia te faaneraa matamua ta te Fatu i horoa mai ia raua ra, oia hoi faa'i te fenna nei i te taata. Ahiri Adamu i haapao ra, i ta te vahine i ani mai ia'na ra, ua ore ia te faaueraa piti ia'na. No reira, tei roto Adamu i te hoé fii, no te mea, ia faaorehia te hoé o teie na faaneraa e tiá'i. Na roto râ i to'na paari e to'na aroha, ua tpu to'na manaó i te haapao i te faaueraa matamua, o te faaueraa rahi aé ia, amu atura oia i te maa no taua raau ra, hara ihora oia ma te ite, no te mea, ua na ô maira te parau ta Paulo i papai mai ia Timoteo e, "E ere hoi Adamu tei vare na, o te vahine râ tei vare, tei harahia na ia." Ua parau atoa maira te Peropheta o Lehi i ta'na tamaiti i te na ôraa mai e, "Ua hiá Adamu ia vai te mau taata, e te vai nei te mau taata ia noa to ratou oaoa."

Uiraa 3. Eaha te tumu i paruruhia'i te raau ora ia Adamu?

I. P. ~~II~~ E teie nei, na ite tatou e, ua riro te taata mai te Atua te huru i te ite i te maitai e te ino, e o te faatoro atu oia i to'na rima e rave mai i to te raau ora, a amu, e.

ma rai e a muri noa'tu, ua tuu maira te Fatu te Atua i te kerubi e te óé ura, ia ore oia ia amu i taua hotu ra.

Ua ite hoi tatou e, ua roaa i te taata te taime e tia'i ia'na ia tatarahapa, ei taime tamataraa, ia tatarahapa e ia haamori hoi i te Atua.

Inaha hoi, ahiri Adamu i ru i te faatoro i tana rima e rave i to te raau ora ra, ua ora ia oia e a muri noa'tu, mai ta te Atua i parau ra, aita o'na taime ia tatarahapa; oia ia, ua faufaa ore te parau a te Atua, e ua faaorehia hoi te ravea rahi faaora ra. (Alama 42:3-5)

Parau Tauturu: Ua horoa teie raau ora i te ora ia raton i tei amu e te reira. A vai tabuti ore ai Adamu e ta'na vahine, aita teie raau i parauhia ia raua. Teie nei râ, no te mea, ua riro raua ei na taata tabuti, i paruruhia'i teie raau, ia raua ra. No reira, ua tiahihia raua i rapae au i te ô i Edene, e ua tuu maira te Atua i te Kerubi e te óé ura ia ore mau, raua ia amu i taua hotu ra. Ua parau ihora te Atua ra o Iehova, Inaha, ua riro Adamu mai te hoé o tatou nei, i te ite i te maitai e te ino; e tena na, o te faatoro oia i tana rima, e rave atoa i to te raau ora ra, e e amu, ia ora roa oia ra. Ua tiavaru atura te Atua ra, a Iehova, ia'na i rapae i taua ô i Edene ra, e faaapu i te fenua, no reira hoi oia ra. Tiahi atura i te taata i rapae, ua tuu ihora, i te pae i te hitia o te râ i taua ô i Edene ra, te kerubi ma te óé ura e i fariuri haere, ei tia i te eá i te raau ora ra. (Genese 3:22-24)

Uiraa 4. Eaha te faahaparaa i tuuhia maira i nia iho i ia Adamu raua/Eva?

P. Ua ino te fenua ia Adamu, e ua tupu te tarataramoa e te motuu, e te vahi ruperupe ta'na i parahi na, ua monohia ia e te hoé vahi ano. E ua amu oia i ta'na maa ma te oto e te hou i nia i to'na rae. Area te vahine râ, ua faarahihia to'na mauui, e ua fanau mai oia i te tamarii ma te mauui rahi. Ua riro hoi ta'na tane ei fatu no'na.

Uiraa 5. Ua faarue roa anei te Atua i ta'na ^{ingite} ~~na~~ tamarii? ^{na'u}

P. Aita. Ua horoa maira te Atua i te tahi mau faa-
ueraa ia Adamu, ia pûpû atu oia i te mau tusia i te io'a o
te tamaiti fanautahi. E na roto i te reira i horoahia'i te
ravea e ora'i raua e to raua huaui. Ua parau maira Adamu
e, "Ia maitai te i'oa o te Atua, no to'u hiáraa i araara'i to'u
mata, e i teie oraraa e oaoa'i au, e ite faahou ai au i te
Atua ra." Ua oaoa atoa maira Eva, na ô maira, "Ahiri
aita to taua hiáraa, ua ere taua i te tamarii, aita'toa taua i
ite i te maitai e te ino, e te oaoa no to taua faaoraraa, e te
ora mure ore e horoahia mai ia ratou te haapao. (Mose 5:-
10-11—Buka Poe Taoá Rahi)

Uiraa 6. Ua ore anei te mau opuraa paari o te Atua
na roto i te hara a Adama?

P. Aita roa. Ua faatiahia râ te opuaraa paari i opua-
ê-hia na ^{hou} teie nei ao i hamanihia'i. E ua tauturu mai
Sarani i taua opuaraa ra, mai te ore i ite e, te tauturu ra oia.

Parau Tauturu: Aita e nehehehe ia tatou ia manaó e,
ua maere te Atua i to Adamu raua Eva hiáraa i roto i te
hara. Ua ite ê na te Atua i te mea e tupu na roto i to Sa-
tani faahemaraa ia Eva, e ua ite atoa oia i te mea e rave-
hia e Adamu a ite ai oia, ua hara ta'na vahine. Ua ite te
Atua, na roto i te hiáraa e ite ai raua i te maitai e te ino, e
na roto hoi i to raua tiamâ e fanuu atu ai raua i mua i te ite
i te mau mea paari o te Atua ra. Ua opuahia e te Atua ia
haere mai te taata i roto i teie nei ao e farerei i te ino, e na
roto i to ratou faaroo ^{haavi} ai ratou i te viivii. Ahiri e,
aita Adamu raua Eva i amu ra i te maa no taua raan ra,
aita ia raua i riro ei na taata tahuti. Ua amu rá raua, e na
riro hoi ei na taata tahuti, e ua fanau ihora raua i te tamarii
tahuti i roto i teie nei ao, e na roto hoi i te reira, i taatahia
ai te ao nei.

I te taime i rave ai Eva i te hara, aita oia i ite e. te faatupu ra oia i te opuaraa o te Atua. E ua rave oia, mai te manaó patoi i te faaueraa o te Atua. Aita'toa Satani i ite e, na roto i to'na faahemaraa ia Eva i tauturu ai oia i te Atua ra.

Ua faariro-pinepine-hia te hara a te taata ei tauturu no te ohipa maitai i opuahia ra. Ua faatoroahia Iesu i te ao varua haere mai i roto i teie nei ao, e ia faasataurohia. Noa'tu râ te reira, aita te hara a Iuda i faaorehia. E aita'toa te Ati Iuda i tiamâ i mua i te Atua.

"E faatura'tu i te metua tane e te metua vahine."

(Deuteronomi 5:16) Ua moe roa teie irava iti i te mau haapaoraa i teie nei anotau. Te huri nei ratou i te mau faahaparaa e te mau pariraa e rave rahi i nia ihô ia Adamu raua Eva. Aita râ ratou i feruri e, ahiri aita Adamu, aita atoa tatou. E na roto i to raua hiāraa, i haamaitaihia'i te taata nei. Ua tae mai tatou i roto i teie nei ao, e te ite nei tatou i te maitai e te ino. Ua roa te tino tahuti, e na roto i ta tatou nei ohipa, te imi nei tatou i te faaeearaa tiā no tatou i te Basileia o te ao ra.

Te Mau Parau Apî

I roto i te avae i mairi aēnei na horoa te utuafare o Vandenberabilita (Vanderbilt) e ono hanere pae ahuru tantani (650,000) dāra, moni Marite; i te hoē haapiiraa i te fenua Amerika no te faatia-raa-hia o te tahi fare no taua haapiiraa ra.

I te fenua Marite i te avae Ditema, ua faaotihia te hoē tura pape i te patuhia, e hoē maile te roa no taua tura pape ra. Ua hamanihia teie tura pape i te sima (cement) eua ha'i to'na roa i te mau tura pape sima i te ao atoa nei.

Te haere nei te hoé orometua na nia i te puaahorofenua i te hoé na rera atearau. Ua faarue oia i te oire Beunoa Aini i Amerika Apatoa; i te avae Eperela i te matahiti 1925 e te haere nei oia i te tufaa fenua Niu Ioka i Amerika Apatoerau, e 10,000 maile te atea. Ua tae oia i Panama i teie nei e ua pau ia'na e 5,000 maile no to'na haereraa.

Te hamani nei te hau Baretane i te hoé pahi reva rahi roa. E ô e hoé hanere taata i roto i taua pahi ra, e te vai atoa ra to ratou mau roí e ta ratou mau iri tamaaraa, e e nehenehe atoa ia ratou te ori haere na nia i te tahi na eá i roto i taua pahi reva ra. Te opua nei ratou i te haere mai te fenua Baretane atu i te fenua Canada, e 2,000 maile te atea, e e piti mahana e te afa e pau no te haereraa.

I teie mau mahana i mairi aénei, ua imilia te mau huru iá atoa i te mau vahi hohonu o te miti. Ua rau te huru o te mau iá i iteahia. Ua itehia te hoé iá, e ua au to'na huru i te mori, e ua haamaramarama hoi oia i te mau vahi atoa ta'ua i au-baere. Ua au to te tahi huru i te éé, e ua au hoi to te tahi huru i te popo. E ua maere hoi te Feia Ite Hohonu i te huru o teie mau mea i iteahia ra.

Ua tae te hoé ati mataí rahi roa i nia illo i te motu tei paranhia Manila i roto i te avae Novema. E mea puai roa te mataí e te miti hoi; e ua pau taua fenua ra i te miti. Ua haamouhia te mau fare e te mau haari e rave rahi; e ua pohe roa e 200 taata e te vai mauini atoa ra te tahi mau taata. Ua hau te puai no teie nei ati mataí i to te mau ati i roto e 30 matahiti i mairi aénei e ua rahi hoi te faufaa i pau.

Te haere noa nei te mau pahi reva e rave rahi i te fenua Marite, e e rahi hoi te mau huru manu tei maue i nia i te reva. No reira i te avae i mairi aénei; ua u te hoe pahi reva i nia iho i te hoé aito rahi; e 15 kilo to'na e e 2 metera te roa no to'na pererau. Ua riro râ i te pahi reva te rê e ua topa te aito i raro, pohe ihora oia.

I te 22 no Novema na tae Hebera Garanata i te hitu ahuru no to'na ra matahiti. Te Peretitini oia no te Ekalesia a Iesu Mesia i te Feia Moá i te Mau Mahana Hopea Nei e ua haamanaó te Feia Moá i to'na mahana fanauraa na roto i te hoé pureraa rahi ia faaite atu ia'na i to ratou aroha rahi no to'na ra itoitio i te ohipa a te Fatua i roto i to'na oraraa i te ao nei.

I roto i te fenua Inidia, ua itehia e na tamarii tamahine huru ê roa, e piti matahiti to te hoé e e vaú matahiti to te tahi. Ua itehia taua na tamahine ra i roto i te apoo no te lukio e te haere ra raua i raro na nia i to raua na rima e to raua na avae mai te huru i te mau puaa. 'Ta amu noa ra raua i ta te lukio maa mai te huru i to'na amuraa, e te maniania ra raua mai te huru i to te uri maniania. Ua manaóhia e te orometua tei ite ia raua e, ua faruehia raua e to raua na metua e ua faaamuhia ihora e te lukio maeaa. I muri aé i to raua ite-raa-hia ua vaihobia raua i roto i te fare haapaoraa tamarii; pohe ihora te teina. Te ora noa nei te tahi; aita râ oia i maurauro i to'na vairaa i rotopu i te mau taata e i te ahu tei auhia i nia iho ia'na; te hinaaro nei râ oia i to'na boa tahito, oia hoi, te lukio.

Alma G. Burton Imprimeur,

Rue Brea et de la rue Dumont d'Urville, Orovini, Papeete